

## 詩四首

繆丹純

### 聖誕詠

漸近佳節頻倚欄，火樹銀花夜未殘。冷月多情偏照我，猶問此鄉心可安？

### 年花——詠桃花兩首

桃花歲歲風華舊，半樹婆娑半綺羅。知有誰人憐素潔，空將歲月等閒過。

桃花歲歲枉嫣紅，往事依稀夢不同。青鳥豈憐塵俗事，相思半縷寄風中。

### 端午遊江南水鄉

吳越當時地，浣紗搖櫓同。三春芳毯碧，十里綺羅紅。  
拂柳絲沾手，分花蝶惹風。龍舟飛似箭，鑼鼓震蒼穹。